

Kanton Sarajevo  
Skupština Kantona Sarajevo  
Klub samostalnih zastupnika  
Elvedin Okerić, samostalni zastupnik

Kanton Sarajevo  
**Ministarstvo prostornog uređenja, građenja i zaštite okoliša**

### ZASTUPNIČKO PITANJE

Da li je tačno da ste zabranili JKP "Rad" odlaganje tečnog otpada animalnog porijekla na deponiji Smiljevići, a da prije toga niti ovo niti bilo koje drugo ministarstvo u FBiH nije izdalo dozvolu operateru sistema za upravljanje ovom vrstom otpada?

Da li je tačno da su se u vezi rješavanja ovog pitanja već obraćali ozbiljni privrednici, te da im niste mogli dati ime niti jednog operatera sistema koji zbrinjava ovu vrstu otpada?

Molim da mi dostavite informaciju o operateru/operaterima kojem je ovo ministarstvo izdalo dozvolu za zbrinjavanje ove vrste otpada.

### OBRAZLOŽENJE

Ministarstvo prostornog uređenja, građenja i zaštite okoliša Kantona Sarajevo je svojim rješenjem zabranilo JKP "Rad" odlaganje tečnog otpada animalnog porijekla na deponiji Smiljevići, koje se odlagalo na deponiji godinama. Ovo ministarstvo je bilo dužno da zajedno sa ostalim organima stvori preduslove za rad operatera sistema, kojim je trebalo izdati dozvolu za zbrinjavanje ove vrste otpada pa tek onda ići sa represivnim mjerama i zabranama u cilju da se svi privredni subjekti natjeraju da uđu u sistem.

Na ovakav način zabranama bez stvaranja uslova i bez odgovora gdje će se zbrinjavati ova vrsta otpada proizvođača koji zapošljavaju stotine radnika i pune budžete sa millionskim iznosima su dovedeni u situaciju da država s jedne strane nije obezbijedila uslove, a s druge strane stavlja zabrane, čime su ozbiljne firme dovedene u situaciju da zatvaraju svoje proizvodne pogone.

S poštovanjem,

Sarajevo, 25.06.2018.godine

Samostalni zastupnik u SKS

  
Elvedin Okerić